

POLITIK JISTIS POU ANVIWONMAN ANNDAN BIWO ADMINISTRASYON ZAFÈ ANVIWONMAN

Politik Jistis pou Anviwonman (EJ) anndan Biwo Administratif pou Zafè Anviwonman (EOEA) se yon novo mwayen nan jefò Kòmonnwèlf la ap fè pou pwoteje anviwonman ak sante publik nan Kòmonnwèlf la. Li ranfòse epi kore jefò EOEA pou respekte sa lalwa mande nan Tit VI Lwa federal 1964 la pou Dwa Sitwayen; Iwa sa-a konsènen tout moun k'ap benefisyé nan èd gouvènman federal la, an pasan pa tout ajans EOEA yo. Se yon Komite Konseye pami pati enterese yo rele Komite Konseye Masachosèts pou Jistis nan Anviwonman (MEJAC), ak reprezantan gwoup kominotè yo, endistri yo, fidèl legliz, moun inivèsite, epi kominote natif natal yo ki mete Politik la ajou; Politik la oryante resous leta yo pou sèvi katye gwo minorite moun nan tout leta-a, ki pa pale Angle epi ki touche salè ki pa anpil. Resous sa yo va pèmèt popilasyon EJ yo di mo pa yo san mank nan desizyon ki va pran sou koze anviwonman yo, epi resevwa tout pwoteksyon yo ka jwenn atravè règleman ki déjà egziste, epi tou pou yo gen plis aksè nan envestisman ki va ogmante bon kalite lavi andedan kominote sila yo, pandan y'ap repare resous laniti ki fin degrade (21 teren fatra), konsolide teren vid epi bati rezo pak lavil la.

Kisa EJ-a ye?

Jistis pou Anviwonman fonde sou prensip tout moun gen dwa pou yo pwoteje kont polisyon nan lanati epi pou yo viv nan yon anviwonman ki pwòp epi ki bon pou sante yo. Jistis pou anviwonman-an bay tout moun menm pwoteksyon ak menm chans pou patisipe toutbonvre, ak respè, nan Iwa sou anviwonman k'ap devlope, k'ap mete sou pye epi k'ap ranfòse, ansanm ak nan Iwa, règleman, mezi sou koze anviwonman ak nan byen lanati ki distribiye san preferans ba yo tout.

Kisa Politik Jistis pou Anviwonman (EJ) EOEA-a fè?

Politik EJ EOEA-a fè jistis pou anviwonman-an randre byen djanm anndan tout pwogram leta sou koze anviwonman y'ap mete sou pye, tankou, men pa sèlman, rezèv lajan yo bay, Iwa yo pibliye, mete sou pye epi ranfòse, règleman ak mezi, epi dispozisyon pou moun al sou toulède kalite espas teren yo: sa ki rete vid yo ak sa ki pa vid yo.

Kijan Politik la bay Jistis pou Anviwonman-an (EJ) bourad?

Politik la konsantre tout resous EOEA yo nan sèvi katye kote gen gwo minorite moun ki touche ti salè nan Masachosèts epi kote rezidan yo gen plis chans pou yo pa konnen oswa pa kab patisipe nan desizyon k'ap pran sou koze anviwonman, oswa pa kapab rive jwenn resous leta pou zafè anviwonman. Men jan Politik la dekri popilasyon EJ yo (dapre Biwo Ameriken Resansman-an, se gwoup kote moun konsantre): se moun katye ki ranpli youn oswa plis nan kondisyon apre la yo:

Salè nan fwaye moun sa yo fèt pou an mwayèn 65 pousan oswa pi ba pase salè moun nan tout leta Masachosèts la ap touche an mwayèn; oswa
25 pousan nan rezidan yo se minorite moun; oswa
25 pousan ladan yo fèt lòtbòdlo, oswa
25 pousan nan rezidan yo pa matò nan lang Angle-a.

Kat popilasyon EJ-a montre gen anpil nan katye sa yo ki tabli nan zòn lavil kote gen anpil moun, anndan epi ozalantou teren endistriyèl pi ansyen nan leta-a. Katye sa yo kouvri sèlman yon ti pòsyon nan teritwa Kòmonnwèlf la (mwens pase 5%), men se la yon gwo pouvantay nan popilasyon leta-a ye (prèske 29%). Se nan katye sa yo oswa tou pre yo, anpil nan teren leta yo ki polye chita, ladan yo tou genyen teren yo bandonnen ak teren kote gwo sous dechè nan lè-a fèt.

Ki Kalite Sèvis Yo va Bay Popilasyon EJ sa Yo? Politik sa-a idantifye yon kantite sèvis espesyal pou Sekretè-a ansanm ak ajans EOEA yo epi lòt ajans leta konsa, ka bay Popilasyon EJ yo.

Ogmante Patisipasyon Biblik la/Pwogram Sosyal pou Ede Moun: Pou ogmante chans pou rezidan yo patisipe nan desizyon k'ap pran sou koze anviwonman, Politik la mande pou yo nonmen yon Direktè Jistik pou Anviwonman epi pou yo kreye anndan Biwo Sekretè-a, Pwogram sou Teren Raje. Politik la mande ajans EOEA yo pou yo pare estrateji pou patisipasyon moun, pou yo tanmen pwogram antrenman EJ, epi pou devlope fich enfòmasyon pou ajans ak pwogram nan lòt lang pase Angle, epi koumanse simaye Ekip pou Ede Moun nan Ajans Rejyonal lan. Ekip sa yo va rankontre ak rezidan katye ak òganizasyon ki tabli nan kominate yo pou ede ajans yo nan vize bon sèvis ak bon resous.

Fè Gen Mwens Danje: Pou fè katye sa yo pa kouri gwo danje, Politik la mande Ajans EOEA yo pou yo veye jan y'ap respekte, ranfòse epi bay asistans teknik, pandan y'ap bay Popilasyon EJ yo priyrite, pou yo ka sèten tout enstalasyon ki la déjà anndan katye sa yo, annakò ak tout règleman sou anviwonman. Pou abòde kesyon sous polisyon yo rekonèt ki reprezante plis danje yo, Politik la mande pou yo ranfòse, atravè Lwa Masachosèts la sou Politik Anviwonman (MEPA), etid anviwonman-an sou novo sous oswa sous dechè nan lè k'ap vin pi gran, ansanm ak sou espas teren pou zòn nan katye sa yo.

Ankouraje Envestisman: Pou ankouraje moun envesti nan devlopman ekonomi katye sa yo, sitou sila yo kote genyen posiblite pou yo netwaye yon teren fatra epi ankouraje lapwòpte ak bon jan lizay pou li. Politik la siyale jan Lwa Politik sou Anviwonman Masachosèts la (MEPA) rekonèt pwojè restorasyon yo tankou pwojè ki bon pou anviwonman, epi ki elimine oswa diminye nesesite pou MEPA etidy yo. Politik la trase yon pwosesis pou MEPA fè yon etid rapid sou pwojè redvelopman teren raje ki pa sèvi yo, ki ofri okazyon pou netwaye teren fatra yo epi vin itilize yo pi byen, nan plis pwòpte.

Gonfle Resous Leta: EOEA, atravè Politik sa-a, laji jefò li sou pwogram teren raje ki pa sèvi yo, pou li ankouraje yo fè yon envantè tout Byen Komès ak Byen Endistriyèl ki pa Itilize ase nan Kòmonnwèlf la; EOEA konsakre tou prèske \$1 milyon nan fon lajan li pou lane fiskal 2003-a pou li ka ede nan evalyasyon ak netwayay 21 teren fatra anndan Kominote EJ yo. Li mande EOEA ak tout ajans li yo tou, pou yo mete Politik Jistik pou Anviwonman-an (EJ) kòm premye kondisyon pou yo bay moun asistans teknik, don lajan, fè verifikasiyon kontab pou yo epi fè etid pwospeksyon sou 21 teren fatra nan mitan popilasyon EJ yo. Pou fini, Politik la ap kore pwojè devlopman ekonomi ki

fè metòd pou yon pwodiksyon ki pi pwòp vin tabli nan katye kote popilasyon EJ yo rete, epi Politik la vize tou resous pou espas teren vid, pou li ka kreye toutbon nan katye kote Popilasyon EJ yo rete, plis espas teren vid, remete sou pye epi kenbe espas sila yo kote Popilasyon EJ yo rete.